

NO. SOALAN: 12

PEMBERITAHUAN PERTANYAAN DEWAN RAKYAT

PERTANYAAN : LISAN

**DARIPADA : TUAN ER TECK HWA
[BAKRI]**

TARIKH : 27 JULAI 2017 [KHAMIS]

SOALAN :

Tuan Er Teck Hwa [Bakri] minta MENTERI PERUSAHAAN PERLADANGAN DAN KOMODITI menyatakan bilakah tarikh tepat Hab Industri Perabot Muar akan beroperasi dan berapakah kilang akan menyertai serta peluang pekerjaan yang akan wujud mengikut pecahan terperinci mahir dan bukan mahir serta warganegara dan bukan warganegara.

JAWAPAN :

Tuan Yang Di-Pertua,

Untuk makluman Ahli Yang Berhormat, sejak tahun 2014, Kementerian ini bersama-sama Kerajaan Negeri Johor serta agensi dan Persatuan Perabot Muar (MFA) telah bekerjasama untuk membangunkan sebuah hab perabot di kawasan seluas 995 ekar di Bukit Bakri, Muar.

Hab perabot ini dijangka dapat beroperasi pada tahun 2020. Sehingga kini, lebih daripada 100 syarikat perabot berminat untuk membeli lot kilang di kawasan berkenaan. Adalah dijangkakan lebih 5,000 peluang pekerjaan akan dijana setelah hab perabot ini beroperasi.

Pada masa ini, tenaga kerja dalam industri perabot dianggarkan seramai 85,000 orang. Daripada jumlah keseluruhan tenaga kerja dalam industri perabot ini, dianggarkan seramai 23,000 adalah pekerja mahir. Menjelang tahun 2020, adalah dijangkakan peningkatan seramai 5,000 orang pekerja mahir tempatan dalam industri perabot. Adalah diharapkan kebanyakan pekerja mahir ini dapat menyumbang kepada pembangunan hab perabot di Muar apabila ia beroperasi sepenuhnya kelak. Pada masa sama, Kementerian melalui Lembaga Perindustrian Kayu Malaysia (MTIB) sedang menjalankan bancian industri perkayuan yang merangkumi pelbagai aspek termasuk keperluan tenaga kerja terkini dalam industri perabot. Bancian ini dijangka selesai pada tahun 2018.

Sekian, terima kasih.